

تورک یوردی

[اون آلتنجی سنه]

تورک ادبافلری مرکز لهیئتی طرفندره نشر اولغوره .

جلد ۵

نيسان ۱۹۲۷

نومرو ۲۸

بو هیئت، بالذات کندیس، معنوی و حدت فکریک جانلی بر تمالی اولمق وظیفه سی ایله مکلفدر. شیمدی به قادار اولدینی کی بوندن سوکره دخی بوراسی، هر درلو احتراصک، هر درلو شخصی و عندی اندیشه لرك خارجنده و فوننده قالدینی و یگانه اندیشه و احتراصک، تورک ملی شعورینک انکشافی اولدینی منظره سی اراشه ایدیه جکدر. بالکیز بوبله بر منظره درکه مرکز هیئته لازم اولان معنوی نفوذی تأمین ایدر و اوجاقلر اوزرنده معنوی بر حکمک و ناظمق قوتی بخش ایدر. اونو تاممالیدرکه بوراده واقع اولاپله جک هر هانکی بر تحت و اختلاف در حال دیگر اوجاقلر ده سرایت ایدر و مرکز هیئتی حائر اولاسی لازم کلن معنوی قوتدن محروم قیلار. لذا مرکز هیئتی درکه تعبیرلری، تلفیق ایشدیکی فکرلری، طهره اوجاقلر نه کوندره جکی منتخب و مفصل موضوعلری ایله اوجاقلر، خلق کتله لرینه مال اتمک، حرک انکشافنه خدمت ایله مک، انقلابیزک اساسلری آ کلامق و آ کلامق یوللری عملی اولارق کوستریر و مفتشلی واسطه سی ایله بویولارک ناصل تعقیب ایدلرکی نفییش ایدر. سایدیغمز بو وظیفه لرك ابفاسی ده قولای دکلدز. عزم و ثباتله چالیشمق، باشقه ملت لرك مماثل جمعیتلرنده ناصل چالیشلرینی تعقیب ایله مک، اوزون دوشونمک و اجراءات اوزرنده اصرار اتمک لازمدر.

قورولتایک ده تقدیر ایشدیکی وجه ایله مرکز هیئتک بو سنه کی راپوری بو خصوصده دخی مهم بر تکامل اثری اراشه اتمکده در. مرکز هیئتک وظیفه لری کیتدکجه نبلر اتمکده و عملی، متمر بر ساحه به کبر مکده در.

کرك بو هیئت و کرك حرث هیئتی شیمدیدن آلمش اولدقلری بومتمر و ولود استقامت اوزرنده اصرار و تکامل ایدرلر و نورک کنج لکنه فکر و تطبیقات ساحه لرنده محتاج اولدنی رهبر لکی بحق ایفا ایلرلر، هیچ شبهه اتمه میلدرکه آز بر زمانده، تورک ملی مدنیت و حرث یولنده دیگر معاصر ملت لری ایله هم عنان اولدق بورومک امکانشی الهه ایدر. آلمانیا، ایتالیا و سائر کنج ملت لری کوزلریغز اوکشنده نمونه اولدق طور یورلر. بوتون بوملت لرك تشک لرنده اک مهم وظیفه لری، تورک اوجاقلرینه مماثل تشک لری اجرا اتمش لردر. بزده ده تورک ییکلک جریانی بوبله عالی و مقدس بررول اوبسامقه ناصرددر. آلوبررکه، بزلر وظیفه لریمیزی بحق ایفا ایدم!

آغا اوغنی احمد

حاکیت ملیه دن

قورولتای

تورک اوجاقی قورولتای اجتماعلرینه نهایت و برمک اوزره در. کچن سنه غزته لرده زمان زمان تصادف ایشدی کیمز بهض مناقشه لر، ۹۲۷ قورولتایک قاریشیق و بحرانی اولاجق

غلن ایتدیرمکده ایدی . بز ، بو مطالعه ده دکل ایدک : شاید بر مؤسسه نك اطرافنده هیچ بر محاکمه ایشله مرسه ، او ، جانلی بر فکر مؤسسه سی اولقندن چیغیش دیمکدر ؛ و آنجاغی معین و محدود بر تشبیه حسن اداره ایدن بر تجارت شرکتی اولاییلر . تورک اوجاغی مملکتک اک ذی حیات هنصرینک ، کنج فکر آدملرینک اثریدر ؛ حال حاضری منادیاً دکیشدیرمکه ، تورک ملی ایچون یکی زمانلرک احوال و شرائطی تأمین ایتمکه اوغراشان بر مفکوره مؤسسه سیدر . بو مؤسسه ذکا و امل قابناشمه لرندن هیچ بر آن خالی قالاماز ؛ لکن هیچ بر زمان دغیتیجی و تفسخ ایتدیریجی احتراض بوغوشمه لرینک ده صحنه سی اولاماز . تورک اوجاغی ، تورک کنجلی آراسنده « شیده ثالیست » دینن نادر انسان اموذجی وجوده کتیره ، مشوش و مظلم بر عالم ایچنده قورتاریجی فکرلرک واضح و آیدینلق نظامی یاراتان بر فضیلت جمعیتی اولمشدر . بو نظام ، روحلرلرک شورشی تداوی ایدن بو دیسیلین ، حربده مفکوره و شرف ایچون اولسنی بیلن ، صلحه ده عادی پولتیقه غوغاچیلنی برینه ناموسکار و طنبرورلک مساعیسنی اقامه ایدن ، کزیده لر آراسنده خاق علاقه دارلغی ، منافع عمومیه محبتی ، فداکارلق شوقی تأسیس ایدن قربانلری ، متفکرلری ، حکومتچیلری و اداره چیلری امله عمره لرینی ویردی . وقیله بر طاقم بلاغت مستحاطه لرینک استخفاف ایتدیکی « نورکی » صفتی طاشیان حکیم ، غرته جی ، پولتیقه جی ، اداره آدای بو مملکت ایچون بوسبوتون یکی آدم لر اولدیلر . کنجلك یواش یواش آناطولینک هر طرفنه داغیلدی ؛ چالیشق ایچون راحت شهرلره ، صتمه لی کویلرک هواسنی ترجیح ایدن هکیملر ، مطبوعانده تجارت قایغوسنی بوتون اندیشه لرک دوننده طوتان محررلر ، اوزاق بر قضا ویا ناحیه نك سعادتی ایچون کنجلكنی ابتدائی مملکت کوشه لرنده چوروتن اداره آدم لری پیدا اولدی . تورک اوجاقلرینک اک بویوک قیمتی جگر لرمنی بییرانان مشوع و فنا هوانک ایچندن یپ یکی ، ترو تازه ، دیریلتیجی بر جریان کچیرمسنددر . اوجاقلرک اوقوتدینی چوجوقلرک ویا تداوی ایتدیکی صیمه لیلرک ، یاخود نشر ایتدیکی کتابلرک استاتستیقی اونک بویوک فائده سنی اولچمکه تماماً مساعد بر مقیاس دکیلدر .

تورک اوجاقلری بوتون مملکتده جمهوریت شیده ثالنک ، یکی حقیقتلرک بکانه رهبر و ناظم استنادکاهی اولدینی ایچون ، اونلرک تکامل وانکشاف مساعیسنی قیصه تیغ ویتیز بر اعتنا امله تعقیب ایتک مجبور بئنده بز . مکتبلریمزده تلقیناتده بولنان معلم ، آناطولینک تنها بر طرفنه بوللادیغیز حکم ، هر کس ، هیمز ، بو کونکی مشکلات و بعضاً نومید ایدیجی حیات شرائطی ایچنده ، فعالیت و حمله لیمزه یکیدن آتش ویره جک طلسمی اوجاقلرک چاتیلری آلتنده آرایه جغیز ؛ استانبول ویا آنقره دن بر آدم اوزانلاشدیغیز زمان ؛ محروم قالدیغیز هر شیئی بزه ، اوجاقلرک صیجاق و جانلی محیطی ویره جکدر . بو قولای برشی دکلدر ؛ هر کون هر یرده اوجاقلرک نقصانلرینه شاهد اولاجغیز . بونقصانلری تنقید ایتک یارین ایچون مطلقاً بوکونکی احوال و شرائطدن داها ایسنی اصرار امله ایسته مک ، فقط بوتون مجادله یی

درست و فضیلتی بر اوجاق منسوبی صفتی ایله یامق ، ایشته وظیفه من ! اوجاقلر هر طرفده جمعیمزه یکی حیاتی اوکره تن ، مملکت سویه سنی یکی حقیقتلره دوشورو یوکسلتن ، جمهوریت دعواسنک تأسس صفحه سنی آدیم آدیم مراقبه و تعقیب ایدن ، ممنوی دیسیپلینک خللدن مصون قالسنه چالیشان فضیلت مؤسسه لر بدر . ۹۲۷ قورولتایسک اوجاقلرک تکامل وانکشافی ایچون مسعود قارادرله نهایت بولسنی نئی ایدرز .

فالخ رفتی

حاکمیت ملیه دن :

اوجاقلر

تورک اوجاخی قورولتای دون یاسا انجمننک ایکی مهم تکلیفی قبول ایدی . حقیقت شودر، که بو تکلیفلر تورک اوجاخی استفاملرینی دکیشدیرن بر طاقم یکی برنسیلر حکمنده اولمایوب ، ره نالیتیه تیبت انجمنده درلر . فکرلرده هیچ بر تشویش بر اقامق ایچون ، بر مؤسسه نک مقصد و غایه سنی کوسترن یاسا ماده لرندکی و ضوحک اهیمنی بویو کدر .

تورک اوجاخی بالخاصه آماتولی دولتی قورولدیغندن بری تماماً « مملکتچی » ایدی ؛ نشر و تلیقین فعالیتی تماماً نورکیه به منحصر ایدی فقط اوجاقلر تأسسی سنه لرند بومؤسه خارجنده دوغمش نورانچلیق شعارینی ، بر آزده بزم کندی متردی متفکر و محررلر سزک یاردیمی ایله سوه تفسیر ایدن ، حرث و حدق هدفتی معظم بر آسیا ایمپراطورلنی تأسسی دعواسیله قاریشدیران دشمنلر من ، اوجاق مؤسسه سندن شبهه انجمنده دوام انجمنلر در . قورولتای دون اوجاقلر مملکتچیلک غایه سنی صریح بر جمله ایله یاسانک ایکنجی ماده سنه علاوه ایدی . سوءظنلری کوکندن قازیمق و شعورسز ماجرا برستلرله چوق شعورلی اولان اوجاقلیلق آراسنده بر علاقه اولادیغنی کوسترمک ایچون بوبله بر صراحته لزوم واردی .

یاسا انجمننک ایکنجی تکلیفی اوجاقلر خلق فرقه سنک ، داها دوشوروسی اوجاقلر جمهوریت سیاستنک مناسبتی حقیقته در . خلق فرقه سی ، تورک ملیتپرورلکنک بوتون مفکوره لرینی تحقق ایتدیرمکده اولان سیاسی بر مؤسسه در ؛ خلق فرقه سی رئیس اوجاقلیدر ؛ اوجاقلر بللی باشلی ارکانی خلق فرقه سنک مبعوثلریدرلر ویا ارکانیدرلر . تورک اوجاقلرک بالذات موجودینی جمهوریت مؤسسه سنک وجودی ایله قائم در ؛ تورک اوجاخی اعضالری ، رشد و موقع اجتماعی صاحب اولدقلرندن ، بالفعل ویا هیچ اولمازسه فکرأ مملکتک سیاسی فعالیتلرینه داخلدرلر . مفکوره لری آراسنده هیچ بر فرق اولمایان ، بر استفاتنده کی یوروبن ، هینی تهلکله